

## RESUMO DO DOCUMENTO DESCARGABLE DA UNIDADE 6

### 1. OS POETAS DAS IRMANDADES DA FALA. ESQUEMA RAMÓN CABANILLAS

O POETA	OBRA	CARACTERÍSTICAS	ESTILÍSTICA E LINGUA
Cambados, 1876 – 1959.			Ten a vontade de crear un modelo de lingua culto válido para a escrita literaria.
<b>Etapa pregaleguista (1910 -1915)</b>  Etapa influenciada polo movemento agrario liderado por Basilio Álvarez.	<i>No desterro. Visións gallegas</i> (1913). <i>Vento mareiro</i> (1915) <sup>1</sup>	<ul style="list-style-type: none"> <li>Poeta intimista (o amor, a saudade e o desterro).</li> <li>Poeta descritivo (a aldea e o mar).</li> <li>Poesía cívica asociada ao agrarismo (labrego fronte a cacique e aldea fronte a vila) cunha actitude exaltada.</li> </ul>	Comeza a incorporar as primeiras influencias métricas e estilísticas do modernismo rubendariano (ambientación exótica con princesas e xardíns, preciosismo verbal e sinestesias). Alén disto, emprega metros populares: octosílabos e hexasílabos; e clásicos: hendecasílabos (11) nos sonetos.
<b>Etapa galeguista (1915 – 1920)</b> Influenciada polo nacionalismo das Irmandades da Fala.	<i>Da terra asoballada</i> (1917)	<ul style="list-style-type: none"> <li>Poesía cívico-nacionalista: Galicia contraposta a Castela, cunha actitude menos exaltada.</li> </ul>	Continúa as tendencias anteriores. Na poesía cívica o estilo é mais directo e prosaico.
<b>Etapa mítico-saudosita (1920 – 1931)</b>  Influenciada por Eduardo Pondal. Enxalza con saudade o pasado glorioso de Galicia –a época celta do rei Artur- para despertar a conciencia galeguista (didactismo). Vaticina un futuro esperanzador xa que o rei Artur está nunha ribeira galega á espera de tempos mellores.	<i>Na noite estrelecida</i> (1926) Poesía épica dividida en tres sagas: 1. «A espada de Escalibor», Artur é nomeado rei de Caledonia tras erguer a espada máxica que procede da Illa de Sálvora. 2. «O cabaleiro do San Grial», Galahaz encontra o Graal no Cebreiro. 3. «O sono do rei Artur», despedida do rei pouco antes	<ul style="list-style-type: none"> <li>Poesía narrativa.</li> <li>Ton solemne e maxestático.</li> <li>Ton épico (aventuras).</li> <li>Misticismo relixioso.</li> <li>Nacionalismo.</li> <li>Poesía lírica con influencias estilísticas do modernismo.</li> </ul>	<b>Oracións subordinadas:</b> uso de copretéritos e pretéritos, uso de verbos <i>dicendi</i> « <i>acaesceu que</i> ». <b>Arcaísmos:</b> El-Rei, El Señor, léxico culto ( <i>nimbo sonoro</i> ); hipérbatos ( <i>os brazos sarmentosos o bardo ós ceos tende</i> ), voz pasiva... <b>Lentitude narrativa:</b> hipérboles (ergueito como un pino que as nubes fende). <b>Símbolos relixiosos</b> como a espada (a cruz), o Graal (o vaso sagrado) e

<sup>1</sup> Ambas as dúas publicadas na Habana.

	de mergullarse nun sono de que despertará nun tempo futuro para gloria dos pobos célticos.		a aguia (a ascensión). Galicia aparece descrita como un locus amoenus, o Graal encóntrase no Cebreiro, a espada ten orixe galega e a furna en que está Artur é galega. Símbolos nacionalistas, como os dolmens e os castros. <b>Na métrica:</b> emprego de versos alexandrinos (14 sílabas), e dun regular ritmo acentual que lle confire musicalidade ao verso. <b>No estilo:</b> sinestesias visuais, olfactivas ( <i>Nun nimbo lumioso surde o bardo adiviño/envolveito en brancuras recendentes de liño</i> ) e auditivas ( <i>Estalan con balbordo de trunfadores hinos/no esguío campanario os atronantes sinos</i> ), que poñen en destaque a ambientación máxica, atmosfera en certa medida exótica, tan propia do modernismo.
<b>Etapa mística (1939 – 1959)</b>  Poesía de contemplación e de introspección.	<i>Da miña Zanfona</i> (1954)	Sobre a vida e a morte.	
	<i>Samos</i> (1958)	Comuñón coa natureza para lograr o equilibrio interior.	
	<i>Antífona da Cantiga</i> (1950)	Recompilación de cántigas populares que pon en marcha a editorial Galaxia.	
	<i>Versos de alleas terras e tempos idos</i> (1955)	Traduce e adapta poemas gregos, latinos, ingleses e alemáns.	
	<i>O bendito san Amaro</i> (1925), incluído na súa obra completa <i>Camiños no tempo</i> (1949).	Romance en octosílabos que narra o pecado de don Amaro de Arenteí, personaxe lendario da tradición popular da comarca do Salnés.	
Ramón Cabanillas considerouse a síntese e a superación do Rexurdimento. Do XIX segue a poesía social de Curros, a liña descritiva e intimista de Rosalía, e o ton épico de E. Pondal; no entanto é o escritor máis sobresaliente da época por renovar a poesía impregnándoa de influxos modernistas, saudosistas e simbolistas, afastándose da poesía realista pero sempre cunha finalidade patriótica.			

### 1.1. ESQUEMA. A. NORIEGA VARELA

O POETA	OBRA	TEMÁTICA	MÉTRICA/RECURSOS	LINGUA
Mondoñedo 1869 – Viveiro 1947. Estivo influenciado pola amizade con Leiras Pulpeiro, Otero Pedrayo, Aquilino Iglesia, e pola literatura portuguesa, principalmente polo saudosista Teixeira de Pascoães.				En xeral a lingua é popular, con presenza de vulgarismos, dialectalismos e castelanismos.
<b>Poeta tradicional</b>  Influenciado pola poesía popular de tradición oral.	<i>De ruada</i> (1895) <i>Leite fresco</i> (1898)	Costumes populares	Versos de arte menor (principalmente octosílabos) e de rima asonante. Tendencia ao epigrama ou composición breve e ao uso de romances (-a-a). Da <b>literatura popular</b> toma a prosopopea, o frecuente diminutivo en -iño, e o uso do paralelismo en calquera das súas manifestacións: anáforas, similitudencias..	Linguaxe popular Léxico enxebre patrimonial ( <i>brañego, doíña, raiola</i> ) e dialectal ( <i>carpaza...</i> ). Expresións coloquiais: « <i>Tróuxoa o demo á terra nosa</i> » Vocabulario sobre todo referente ao campo semántico da flora rural ( <i>urces, flores de toxo...</i> )
	<i>Montañesas</i> (1904)	Poesía centrada arredor da montaña cun ton descritivo.		
	<i>A virxen i-a paisanaxe</i> (1913)	101 cantigas populares dirixidas á Virxe que exemplifican a relixiosidade da que está impregnada a súa obra.		
	<i>Como falan os brañegos I e II</i> (1928 e 1930)	Recompilación de vocabulario, refráns e frases feitas do pobo.		
<b>Poeta lírico-intimista</b>  Influenciado polos poetas portugueses saudosistas (Teixeira de Pascoães principalmente), e polos poetas clásicos (Virxilio e Horacio).	<i>Do ermo</i> (1920)  De 1946 data a edición derradeira, que inclúe a súa obra completa.	Poesía intimista arredor da paisaxe solitaria do ermo da montaña, o beatus ille do poeta. Desta paisaxe prefere as pequenas e humildes cousas (un pequeno verme, un brión, as pingas de orballo, a chorima, unha pucharquiña...)	Versos de arte maior, principalmente hendecasílabo sáfico. Frecuente uso do soneto composto por dous cuartetos (ABBA) ou dous serventesios (ABAB) + dous tercetos. Da literatura culta toma a metáfora e a sintaxe clásica no uso do hipérbato.	Linguaxe máis depurada Introduce léxico culto ( <i>fulgurante, nume...</i> ) Ortografía etimolóxica ou pseudoetimolóxica ( <i>reyna, captivante, simbolizar, mystycas...</i> ). Vocabulario abstracto, froito do intimismo ( <i>atavío, soberbio, nudez, vagaroso, chover...</i> ). Arcaísmos (El Señor, merescían, nascen...)
<b>Apreciacións</b>	Foi chamado o «cantor da montaña». Destacou no panorama literario por iniciar a corrente neovirxilianista ou de «paisaxismo humanístico» (descrición da paisaxe cun estilo e unha linguaxe cultos) que despois seguirán poetas como Crecente Vega, Aquilino Iglesia Alvariño e Xosé María Díaz Castro. Ocasionalmente foi poeta cívico (nuns poucos poemas anticaciquís –non pasan de 5-) e satírico-burlesco mostrándose defensor do nacente réxime franquista, contrario á República, ao galeguismo, á ideoloxía das Irmandades da Fala sobre todo por non aceptar unha estandarización da lingua galega válida para os futuros campos aos que se abriría a nosa lingua. Para el a lingua galega era labrega e no debería saír do ámbito labrego.			

## 1.2. OUTROS POETAS DO TEMPO DAS IRMANDADES DA FALA

O modernismo e as tendencias post-simbolistas finiseculares encontran eco tamén noutros poetas das Irmandades, influídos pola obra de Ramón Cabanillas ou que realizan de forma persoal o tránsito do XIX á modernidade. É o caso de:

O POETA	OBRA	TEMÁTICA E CARACTERÍSTICAS
<b>Gonzalo Lopez Abente</b> (Muxía, 1878 – 1963)	<i>Escumas da ribeira</i> (1913), <i>Alento da raza</i> (1918), <i>Do outono</i> (1924), <i>Nemancos</i> (1929), <i>Cintileos nas ondas</i> (1958), <i>Decrúa</i> (1966), <i>Monza de frores bravas para Nosa Señora da Barca</i> (1971).	Os tres primeiros conteñen lírica amorosa e poemas de loita, con algúns elementos modernistas ao xeito da poesía de Cabanillas.  O uso do alexandrino é moi frecuente sobre todo no segundo libro; e no terceiro opta polo hendecasilabo para ofrecernos sesenta sonetos de temática diversa (paisaxísticos, moralistas, patrióticos...)  Nos dous libros seguintes o motivo principal é o mar e as paisaxes da súa terra; abandonada a retórica dos primeiros libros, a súa obra gaña en intimismo e sinxeleza.
<b>Victoriano Taibo García</b> (Compostela, 1885 – Vigo, 1966)	<i>Abrente</i> (1922)	A súa poesía segue as direccións dos primeiros libros de Cabanillas: costumismo, lirismo intimista e poesía de loita.
<b>Xosé Crecente Veiga</b> (Castro de Rei, Lugo, 1886 – 1948)	<i>Codeseira</i> (1933)	Libro de temática campesiña, na liña tradicional da poesía galega do século XIX.
<b>Francisca Herrera Garrido</b> (A Coruña 1869 – 1950)	<i>Sorrisas e bágoas</i> (1913), <i>Almas de muller... ¡Volallas n'a luz!</i> (1915) e <i>Frores do noso paxaresco</i> (1919)	Amosan unha temática rural desde unha perspectiva feminista. Continúa co movemento romántico realista de Rosalía de Castro.
<b>Manuel Leiras Pulpeiro</b> (Mondoñedo 1854 – 1912)	<i>Cantares gallegos</i> (1911)	Poemas de tipo popular e costumista, patriótica e satírica.

## 2. OS POETAS DA XERACIÓN NÓS

Debemos salientar por un lado a obra lírica de **Otero Pedrayo** recollida en tres colleitas. Dunha parte están os poemas publicados por Fernández del Riego na súa *Escolma de poesía galega IV*, doutra ese pequeno volume intitulado *Bocarribeira* e outro pequeno grupo dado á luz na revista Grial.

E por outro o labor poético de **Vicente Risco**, aínda que non é o máis abondoso da súa produción, a poesía vai ser obxecto de interese para Risco, non só como espallador e popularizador de elementos estéticos vangardistas a través das súas colaboracións en *A Nosa Terra*, senón que el mesmo publica nesta mesma revista algunhas composicións poéticas de maior ou menor tinte vangardista. É o caso do **poema futurista** «U...ju ju»

### 3. ESQUEMA. AS VANGARDAS

#### A POESÍA DAS VANGARDAS

Os anos 20 e a primeira metade dos 30 supuxeron a incorporación das vangardas europeas (creacionismo, imaxinismo, cubismo, surrealismo, futurismo e ultraísmo) á poesía galega grazas a autores moi novos como Manuel Antonio, Luís Amado Carballo, Fermín Bouza Brey, e outros como Álvaro Cunqueiro, Euxenio Montes, Roberto Blanco Torres ou Manuel Luís Acuña.

<b>«Folletíns» de proclama dunha nova literatura</b>	<i>Manifesto Máis Alá!</i> <i>Prólogo dun libro de poemas que ningúnén escribeu.</i> <i>Fatiguémonos</i>	Estes manifestos proclaman ante a xuventude os seguintes aspectos: <ul style="list-style-type: none"> <li>• Romper coa literatura paisaxística e cívica anterior.</li> <li>• Provocar por ir contra o «o vello» e querer presentar unha poesía nova.</li> <li>• Afastarse da realidade ollando esta dunha maneira diferente.</li> <li>• Renovar a linguaxe e os recursos estilísticos.</li> </ul>
<b>Revistas de difusión poética</b>	As revistas foron o órgano principal a través do cal se deu a coñecer a nova poesía por toda Galicia: nos anos 20, <i>Ronsel</i> en Lugo e <i>Alfar</i> na Coruña; nos anos 30, <i>Cristal</i> en Pontevedra; <i>Galiza</i> e <i>Papel de color</i> en Mondoñedo; <i>Yunque</i> en Lugo e <i>Resol. Hojilla volandera del pueblo</i> , en Santiago.	
<b>As vangardas en Galicia</b>	<b>A vangarda plena</b> , a máis innovadora.	Representada polo <b>creacionismo</b> de <b>Manuel Antonio</b> na obra de <i>Catro a catro</i> . <ul style="list-style-type: none"> <li>• Metáforas innovadoras froito de asociacións insólitas.</li> <li>• Simboloxía marítima relacionada co existencialismo (o mar é a existencia e o barco, o home).</li> <li>• Antirromanticismo.</li> <li>• Desmitificación de elementos tópicos da literatura (a auga –H<sub>2</sub>O ou a Lúa).</li> <li>• Renovación da linguaxe (neoloxismos, linguaxe técnica marítima, anglicismos) e da métrica (verso libre, ausencia de estrofa e alteracións na sintaxe).</li> <li>• O humor froito da dimensión lúdica do poema.</li> </ul>
		Outras obras de Manuel Antonio, menos innovadoras, son <i>Con anacos do meu interior</i> , <i>Foulas</i> , <i>Sempre e máis dispois</i> , <i>Viladomar</i> .
	<b>Vangarda moderada</b> , a menos innovadora e a que máis perdurou, xa que abrangue parte da poesía de posguerra.	O <b>hiloísmo</b> representado por <b>Roberto Blanco Torres</b> ( <i>Orballo de media noite</i> ), <b>Euxenio Montes</b> ( <i>Versos a tres cás o neto</i> ), <b>Amado Carballo</b> ( <i>Proel</i> e <i>O galo</i> ) e <b>Manuel Luís Acuña</b> ( <i>Firgoas</i> ). Este movemento poético baséase: <ul style="list-style-type: none"> <li>• Na animación da natureza e no subxectivo cromatismo que crea orixinais sinestesias.</li> <li>• Na métrica, máis tradicional ca no creacionismo: verso octosílabo e rima asonante.</li> </ul>
		O <b>neotrobadorismo</b> , representado por <b>Fermín Bouza Brey</b> ( <i>Nao Senlleira</i> ), <b>Xoán Vicente Viqueira</b> ou <b>Álvaro Cunqueiro</b> ( <i>Cantiga nova que se chama riveira</i> ). <ul style="list-style-type: none"> <li>• Recupera a estilística da cantiga de amigo: refrán, paralelismo, leixaprén e léxico medieval; así como a voz lírica feminina.</li> <li>• Imaxes innovadoras, propiamente vangardistas.</li> </ul>
Á parte destes movementos de renovación podemos falar de influencias doutros ismos como o <b>surrealismo</b> (en <i>Poemas do si e non</i> de Cunqueiro), <b>cubismo</b> (uso do caligrama en Manuel Antonio) e <b>futurismo</b> e <b>ultraísmo</b> en Roberto Blanco Torres.		